ЎЗБЕКИСТОН РЕСПУБЛИКАСИ НОМИДАН ХАЛ КИЛУВ КАРОРИ

Касби тумани

2024 йил 22 апрель

туманлараро судининг Касби иқтисодий судьяси Х.Ч.Абраев раислигида, судья ёрдамчиси А. Убайдуллаевнинг котиблигида, Касби туман фермер, дехкон хужаликлари ва томорка ер эгалари Кенгаши даъвогар "IRISOV NODIRBEK TO`RAYEVICH" фермер хўжалиги манфаатини кўзлаб, жавобгар "INDORAMA AGRO" МЧЖ шаклидаги хорижий корхонасига нисбатан 2023 йил пахта хосили учун топширилган 61.704 тонна пахта хом ашёсини 11.130.838 сўмдан хисоблаб жами 681.949.508 сўмлик топширилган махсулотлар бўйича электрон хисоб-фактурани қабул қилиш мажбуриятини юклаш хамда 191.816.053 сўм қарздорликни ундириш тўгрисидаги даъво аризаси бўйича иктисодий ишни даъвогар вакили И. Ирисов (шахсий маълумотнома асосида), жавобгар вакиллари С.Исомов, Р.Юсупов (ишончнома асосида) иштирокида, Касби туманлараро иктисодий суди биносида очик суд мажлисида кўриб чикиб, куйидагиларни

аниклади:

Касби туман фермер, деҳқон ҳўжаликлари ва томорқа ер эгалари кенгаши (бундан кейин матнда кенгаш деб юритилади) даъвогар "IRISOV NODIRBEK TO`RAYEVICH" фермер ҳўжалиги (бундан кейин матнда даъвогар деб юритилади) манфаатини кўзлаб, Касби туманлараро иктисодий судига даъво аризаси билан мурожаат қилиб, жавобгар "INDORAMA AGRO" МЧЖ шаклидаги ҳорижий корҳонасига (бундан кейин матнда жавобгар деб юритилади) нисбатан 2023 йил пахта ҳосили учун топширилган 61.704 тонна пахта ҳом ашёсини 11.130.838 сўмдан ҳисоблаб жами 681.949.508 сўмлик топширилган маҳсулотлар бўйича электрон ҳисоб-фактурани қабул қилиш мажбуриятини юклаш ҳамда 191.816.053 сўм қарздорликни ундиришни сўраган.

Суд мажлисида иштирок этган даъвогар вакили даъво талабларини қўллаб қувватлаб, тарафлар ўртасида 2022 йил 28 декабрда 8064-сонли пахта ашёсини етиштириш етказиб бериш тўғрисида шартнома ва тузилганлигини, даъвогар шартномага мувофик 22 гектар ер майдонидан 61.704 тонна пахта хом ашёси жавобгарга етказиб берилганлигини, 61.704 тонна пахта хом ашёсини 11.130.838 сўмдан хисоблаб жами 681.949.508 сўмлик топширилган махсулотлар бўйича электрон хисоб-фактурани қабул қилиш мажбуриятини юклашни, бунинг натижасида 681.949.508 сўмлик топширилган махсулотлар буйича тулаб берилмаган 191.816.053 сум хакдорлик келиб чикиши хакида тушунтириш бериб, даъво талабларини қаноатлантириб беришни сўради.

Суд мажлисида иштирок этган жавобгар вакиллари даъво талаблари асоссиз эканлиги, тарафлар ўртасида тузилган шартноманинг 2.1-бандида шартнома қиймати пахта хом ашёсининг ҳосилидан келиб чиқиб

белгиланишини, якуний сумма эса Нью-Йорк хом ашё биржасининг 2023 йил октябрь ва ноябрь ойлари учун New York Futures ўртача белгиланган нархи ва томонларнинг келишувига мувофик пахта хом ашёси хисоблашни хисобга олган холда нархини кайта тасдикланиши келишилганлигини, шартномага асосан 2023 йил 1 декабрдаги 2-сонли электрон хисоб-фактура асосида етказиб берилган жами 61.705 тонна, 490.739.996 сўмлик пахта хом ашёси махсулотлари учун тўлик хисоб-китоб эмаслигини килингани. карздорлик маълум мавжуд килиб, лаъво талабларини рад этишни сўрашди.

Суд ишда иштирок этувчи шахслар вакилларининг тушунтиришларини эшитиб, иш хужжатлари ўрганиб чиқиб, тўпланган далилларга хукукий бахо бериб, куйидагиларга асосан даъво талабларини қаноатлантиришни рад этишни лозим топди.

Ўзбекистон Республикаси Фуқаролик кодекси (бундан кейин матнда ФК деб юритилади)нинг 234-моддасида, мажбурият — фуқаролик ҳуқуқий муносабати бўлиб, унга асосан бир шахс (қарздор) бошқа шахс (кредитор) фойдасига муайян ҳаракатни амалга оширишга, чунончи: мол-мулкни топшириш, ишни бажариш, хизматлар кўрсатиш, пул тўлаш ва ҳоказо ёки муайян ҳараатдан ўзини сақлашга мажбур бўлади, кредитор эса — қарздордан ўзининг мажбуриятларини бажаришни талаб қилиш ҳуқуқига эга бўлади. Мажбуриятлар шартномадан, зиён етказиш натижасида ҳамда ушбу Кодексда кўрсатилган бошқа асослардан келиб чиқиши белгиланган.

ФКнинг 465-моддасига мувофик, контрактация шартномасига мувофик кишлок хужалиги махсулотини етиштирувчи кишлок хужалиги махсулотини кайта ишлаш ёки сотиш учун бундай махсулотни харид киладиган шахсга — тайёрловчига шартлашилган муддатда топшириш (топшириб туриш) мажбуриятини олади, тайёрловчи эса бу махсулотни кабул килиш (кабул килиб туриш), унинг хакини шартлашилган муддатда муайян бахода тулаш (тулаб туриш) мажбуриятини олади.

Иш хужжатлари ва суд мухокамаси давомида аникланган холатлардан маълум бўлишича, тарафлар ўртасида 2022 йил 01 декабрда 8064-сонли пахта хом-ашёсини етиштириш ва етказиб бериш бўйича (контрактация) шартномаси тузилган.

Мазкур шартноманинг 1.1 ва 1.2 бандларига кўра Хўжалик (даъвогар) Харидор (жавобгар)га 2023 йил хосилидан 22 гектар ер майдонидан 61.600 тонна пахта хом-ашёсини етиштириш ва етказиб бериш мажбуриятини, "Харидор" эса пахта хом ашёсини қабул қилиш ва унинг ҳақини тўлаш мажбуриятини олган.

Ушбу шартнома бўйича даъвогар жавобгарга ўзаро тасдиқланган 2023 йил 1 декабрдаги 2-сонли электрон ҳисоб-фактура асосида жами 61.705 тонна, 490.739.996 сўмлик пахта хом-ашёси маҳсулотларини етказиб берган.

Тарафлар ўртасида тузилган шартноманинг 2.1-бандида, махсулотнинг бир тоннаси учун нархи шартноманинг 2.6-бандига асосан 2-сорт 1-класс 4-тип учун белгиланган нархда тўлаш қайд этилган. Ушбу банднинг тўртинчи хат бошида, шартноманинг якуний суммаси Нью-Йорк хом ашё биржасининг 2023 йил сентябрь, октябрь ва ноябрь ойлари учун New York Futures ўртача белгиланган нархи ва томонларнинг келишувига

мувофик пахта хом ашёси нархини кайта хисоблашни хисобга олган холда тасдикланиши кайд этилган.

Ўзбекистон Республикаси Президентининг "Пахта хом ашёси етиштирув-чилар фаолиятини янада қўллаб-қувватлашнинг қўшимча чоратадбирлари тўғрисида" 2023 йил 26 январдаги ПҚ-23-сонли қарорининг 2-бандини "б" кичик бандига кўра, Қишлоқ хўжалиги вазирлиги Нью-Йорк биржаси пахта толасининг ўртача ойлик фьючерс котировкалари тахлилини ўзининг расмий веб-сайтида эълон қилиб боради. Вазирлар Маҳкамаси ўн беш кун муддатда Нью-Йорк биржаси ўртача ойлик фьючерс котировкалари таҳлилини Қишлоқ хўжалиги вазирлигининг расмий веб-сайтида эълон қилиш регламентини тасдиқлаш. Бунда, пахта-тўқимачилик кластерлари ва фермер хўжаликлари томонидан пахта хом ашёсининг харид нархи ўзаро манфаатли келишув асосида шакллантирилишига эътибор қаратилиши қайд этилган.

Аниқланишича, 2023 йил сентябрь, октябрь ва ноябрь ойларида Нью-Йорк биржасида пахта толасининг ўртача йиллик катировкаси 84.0 цент/фунтни ташкил этиб, бир тонна толанинг сўмдаги нархи 22 млн.685 минг сўмга ёки 1тонна пахта хом ашёсининг нархи 8 млн. сўм (ҚҚС билан) бўлган.

Бундай ҳолатда даъвогарнинг етказиб берилган пахта хом ашёсининг тоннасини 11.130.838 сўмдан ҳисоблаб жами 681.949.508 сўмлик топширилган маҳсулотлар бўйича электрон ҳисоб-фактурани қабул қилиш мажбуриятини юклаш, бунинг натижасида тўлаб берилмаган 191.816.053 сўм қарздорлик ундириш талабини асосли деб бўлмайди.

Ўзбекистон Республикаси Иқтисодий процессуал кодекси (бундан кейин матнда — ИПК деб юритилади)нинг 68-моддасига кўра ишда иштирок этувчи ҳар бир шахс ўз талаблари ва эътирозларига асос қилиб келтираётган ҳолатларни исботлаши керак.

Ушбу холатда суд даъво талабларини асоссиз деб хисоблаб, уни каноатлантиришни рад этишни лозим топди.

ИПКнинг 72-моддасига кўра, қонунчиликка мувофик муайян далиллар билан тасдикланиши керак бўлган иш холатлари бошка далиллар билан тасдикланиши мумкин эмас.

Ушбу кодекснинг 74-моддасига мувофик суд далилларга ишнинг барча холатларини жамлаб, уларни суд мажлисида конунга амал килган холда хар томонлама, тўлик ва холис кўриб чикишга асосланган ўз ички ишончи бўйича бахо беради. Хар бир далил ишга алокадорлиги, макбуллиги ва ишончлилиги нуктаи назаридан, далилларнинг йигиндиси эса, етарлилиги нуктаи назаридан бахоланиши лозим. Агар текшириш натижасида далилнинг хакикатга тўгри келиши аникланса, у ишончли деб тан олинади.

ИПКнинг 118-моддасига асосан суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.

Ўзбекистон Республикаси Президентининг 2017 йил 10 октябрдаги "Фермер, деҳқон хужаликлари ва томорқа ер эгалари фаолиятини янада ривожлантириш буйича ташкилий чора-тадбирлар турисида"ги ПҚ-3318-сонли қарорининг 3-бандида фермер, деҳқон хужаликлари ва томорқа ер

эгалари манфаатларини кўзлаб судга давлат божи тўламасдан даъво аризалари, давлат ва хўжалик бошқаруви органлари, маҳаллий давлат ҳокимияти органларининг қарорлари, уларнинг мансабдор шахслари хаттиҳаракатлари (ҳаракатсизлиги) устидан шикоятлар такдим этиш. Бунда даъво аризасини қаноатлантириш рад этилганда манфаати кўзлаб даъво аризаси киритилган фермер, деҳқон хўжаликлари ва томорқа ер эгаларидан давлат божи ундирилмайди деб кўрсатилган.

Юқорида баён этилганлардан келиб чиқиб, суд даъво талабларини қаноатлантиришни рад этишни, олдиндан тўланган 34.000 сўм почта ҳаражатини даъвогар зиммасида қолдиришни, даъво талаби бўйича даъвогар давлат божи тўлашдан озод этилганлигини инобатга олишни лозим топди.

Бинобарин, Ўзбекистон Республикаси Иқтисодий процессуал кодексининг 68, 72, 74, 118, 176-179, 186, 192-моддаларини қўллаб, суд

қарор қилди:

Даъво талабларини қаноатлантириш рад этилсин.

Олдиндан тўланган 34.000 сўм почта харажати даъвогар зиммасида қолдирилсин.

Мазкур ҳал ҳилув ҳароридан норози томон бир ой муддатда апелляция тартибида шикоят бериши (протест келтириши) мумкин.

Судья Х.Ч.Абраев

